

ATUARFIK DIGITALIUSOQ

2018 - 2019



SIULEQUT

Tanngassimaarutigalugu nuannaarutigalugulu Atuarfik Digitaliusoq pillugu periusissiaq nutaaq annertuumiik angusaqarniarfiusoq saqqummiussinnaalparput. Peqataasunut tamanut pingaartuusimavoq periusissiaq suliniutinut ingerlareersunit amerlasuujusunit aallaaveqarluni, taakkunannga ataatsimoortitsilluni periusissiatut pilersaarutaalernissaa.

Meeqqat atuarfiat allanngoriartupiloorpoq, tamaniillu annertusiarortumik piusaaqarfigneqarluni – atuartitsisunit, angajoqqaanit, atuartunit minnerunngitsumillu avataaniit soqutiginnitsinit, tamarmik atuarfik pillugu kissaateqartunit. Taamaammat pisariaqarpoq ataatsimoorluta takorluukkamik ataatsimik pilersitsinissarput, nunalu tamakkerlugu assigiimmik sammiveqarnissarput. Naapeqatigiitartimmik atuartut tamarmik ingerlalluarnissaminnut ineriartorluarnissaminnullu assigiimmik periarfissaqarfigisaannik pilersitsisoqartariaqarpoq. Taamaalilluni pingaarluinnarpoq digitaliseeriinerup sumiiffinnik naammaginatut attaveqarfiumngitsunik eqquingnissaa. Tamanna pissuseqarfisariaqarpoq allatullu aaqqiivigineqartariaqarluni.

Ilinniagassatigut iluarsartuusseqqinnerit arlallit pereermata maanna piffissanngorpoq tamatta atuarfitta annertunerusumik digitaliusumik isiginiarnerunissaa. Meeqqat atuarfianni pingaaruteqarlunnartumik ilinniartinneqartarpugut, ilinniartinneqarneq inuunermi kingusinnerusukkut pingaarutilinnik aalajangiinissamut kaammattuutaasoq. Ullumikkut avammut isiginneriaatsitsinnut digitaliseeriineq pingaaruteqarlunnarpoq. Ilinniartitsissutini arlalinni ilisimasagut annertusarniarutsigit, najukkami ilinniartitsisut isumalluutiginissaat naammakkunnaarnikuuvoq, ilimagisinnaanngilarput taakku kisimiillutik nunarsuarmioqataasutut siunissatsinnut sakkusannik naammattunik tunisinnaagaatigut. Siaruareriffiit atorullu digitaliusut nutaat avatitsinni ineriartornermut malinnaasinnaalersitsisut atorariaqarpagut. Ilutigisaanillu digitalimik peroriartorneq suli pingaaruteqartuarpoq. Qularnaassavarput innuttaasut nutaat digitaliusut piusariaqartutigit ilinniartinnissaat, paasissutissanut ullut tamaasa takkussuuttartunut apersuusuisumik pissuseqarfiginissinnaanngortillugit.

Tamatuma saniatigut isumagissavarput ulorianarsinnaasunut, inimi 20-nik atuatoqartumiikkunnaarluni nunarsuarmi

milliardinik arlalinnik inoqartumi peqataalernermit nalaanneqarsinnaasunut, illersorsinnaanissaat; tamatumani piaersimalluarnissaaq soorunami pingaaruteqarlunnarpoq.

Periusissiaq manna aqqtigalugu meeqqat atuarfiat annertuumik qaffasissuseqalersinniarpurput, nunanut avannarlernut sanillunneqarsinnaanissaaq piinnarnagu, neriullutali aaqqiissutissat periutsillu nunat sanilitta ilinniutiginnaasaat pilersisinnaajumaarlugitaaq.

Doris J. Jensen



SAMMISAQ 1

ATORTUSSIAT DIGITALIUSUT

Atortussiat aamma allattariarsorluni misilitsissutissat digitaliserernerisigut atuarfimmi meeqqat atuarfianni nukiiit allamut atorneqarsinnaalissapput, tassuunakkut atuartsissutit ilikkagassatigut inerisaaviginerat pitsaassutsillu qaffatsinnissaa nukissaqarfigineqalissamat. Tamanna tunngaviatigut isigigaani naqiterisitsisarnermut nassiusuinerimullu aningaasaqarnikkut piffissamillu sipaarnermik kinguneqassaaq kiisalu kukkusarnerit ikilisinneqassapput allattariarsorlunilu misilitsittarnerit pisariillisaalluni naammassiuminernerullisallutik. Taamaaliornikkut atuarfik imminut napatissinnaanerusoq anguneqassaaq.

Pisariaqarpoq allattariarsorluni misilitsissutissat aamma atortussianik digitaliserinerup maanna IT-qarnikkut attaveqaatinut naapertuuttuunissaat, atortussiarineqartut internetikkoortumik internetimullu atangikkaluarluni pissarsiarineqarsinnaassammata.

Piffissap ingerlanerani digitaliserinerup nassatarissavaa, atortussiat pissarsiariuminernerulererat allanngorartumillu atuartsinissamat periarfissagissaarnerusoqalenera,

taamaammallu tamatuma ilikkagassatigut atuartsinikkullu sunniuteqarluarnissaa naatsorsuutigineqarpoq. Ilutigisaanik imarisaasut ingerlaavartumik nutarterlugillu pitsanngorsartuarnissaa atornannginnerulerlunilu pilertornerusumik pisinnaalissaaq.

Ullumikkut atuartsisut Ilinniartitaanermut Aqutsisoqarfik aqqutigalugu atortussanik TV-mi aallakaatitaliaasunik MitCFU-kkortumik atorsinnaapput. Periusissiaq aqqutigalugu suleqatigiinneq pioreersoq annertusarniarneqarpoq, sullissineq annertusarniarneqarluni aammalu internetikkut attaveqarluni attaveqanngikkaluarlunilu pissarsiarineqarsinnaanissaa qularnaarniarneqarluni.

Kalaallit oqaasiinik atuartsinerup siunnerfeqartumik digitalinngorsarneranut aallaaviuvoq 'Atuarfimmi akullerni kalaallisut atuartsinermik naliliineq', (Ilinniartitaanermik Aqutsisoqarfik 2015). Atuartsissummik naliliineri akullerni kalaallit oqaasiinik atuartsineq sammineqaraluartoq, digitalikkut suliniummot alloriarfiit pingasut tamarmik ilaassapput, tassalu nukarliit, akulliit angajullu alloriarfii,

taamaallunni klassini tamani kalaallit oqaasiini atuartsisut internetikkoortumik atuartsissummi atuartsinermut isumassarsiaasinnaasunik atortussianillu tapertarisasanik aallersinnaassallutik. Taakku taamaallaat digitalimik pineqarsinnaassapput, taamaaliornikkut ajornanngitsumik pilertortumillu tamanit pissarsiarineqarsinnaassammata aqqissomeqarsinnaassammatalu.

Atuartsinermi atortut digitaliusut saqqummernerisa malitsigissavaat periutsit paasissutissallu nutaat atuartsinermi atorneqalenerat. Atuartsinermi ilikkariartornermilu periarfissat nutaat atorluarneqarnissaat qularnaarneqassaaq – aamma atuartut immikkut ittunik pisariaqartitsisut eqqarsaatigalugit. Atuartut tamarmik naligiimmik ilinniartinneqarnissamik neqeroorfineqassapput.



SULINIUTIT

Misilitsinnerit digitaliusut

10. klassimi allattariarsorluni inaarutaasumik misilitsissutit taakkualu nalilersortarneri suliarinerilu digitaliserernejassapput, suliaq tamarmi taamaalilluni peqataasunut tamanut pisariinnerulerlunilu naammassiuminarnerulissaaq.

Digitaliseriinikkut suliassat suliarinerat sivikinnerulissaaq taamatullu naqiterinermut nassitsinermullu aningaasartuutaasartut sipaarnejassallutik.

Ilinniartitsinerimi atortut digitaliusut

Ilinnisiorfiup saqqummersittagai internetikkut isaariaq aqcutigalugu digitaliusumik pissarsiarineqarsinnaalissapput ePUB-format atorlugu,. Ilinniartitsinerimi atortut digitaliusut digitaliusumik ilinniarnissaaq allanngorartumillu atuartitsinissaaq periarfissaqalersippaat.

Kalaallisut atuffassissut

Atuartut atuarniarnerminni ajornartorsiuteqartut atuartullu marluinnik oqaasillit allatanik atuarniarneranni ikiorserumallugit pingaartuuvoq kalaallisut atuffassissutip pissarsiariuminarnerusunngortinnissaa.

Tamanna assersuutigalugu pisinnaavoq kalaallisut atuffassissutip MARTHA-p iBogen-imut ilaatileratigut.

Ingerlaavartumik naliiisarnej

Misissorneqassaaq qanoq iliorluni atuisunut databasissaaq (UMS) ingerlaavartumik naliiisarnermi sulianik pisariillisaallunilu digitaliseriissutaasinnaansoq.

Kalaallit oqaasiinik atuartitsinerup digitaliuernerusumik ingerlanneqarnerulernissaanik suliniuteqarnej

Kalaallit oqaasiinik atuartitsinerimi – atuartitsissutini allanisulli – atuartitsinerimut isumassarsiassanik internetikkoorlugu aallermisaaq periarfissaqassaaq. Digitalinngorsaanerup taassuma klassini tamani atuartitsissutillu immikkoortuini tamani atuutsinneqarnissaa siunnerfiussaaq.

“Digitalimik Aaqqissuisut” pilersinneqassapput, taakkualu ilaatigut atortussat, atuartitsinerimik ingerlatsinissamut aamma allanngorartumik atuartitsinissamut siunnersuutit suliarisassavaat.

Immikkut ittunik pisariaqartitsisut

Atuartunut immikkut ittunik pisariaqartitsisunut atortussat digitaliusut inassuteqaatissat suliarineqassapput. Taamaaliornikkut atuartut pitsaanerumumik naligiinnerusumillu atuartitsinerimut peqataanissaminut periarfissaqalissapput.



Atortussanik atorniartarneq

MitCFU kalaallisut pilersinneqarsinnaanersoq misissorneqassaaq, tassuunakkut atuartsisut atorniartarfimmit saqqummiivimmit aamma atuartsissutinik atorniartarfimmit il.il. atortussanik atornissamut periarfissillugit.

Portal ataaseq ataatsimoorusaaq atorneqassaaq. Tassuunakkut atuartsisut atuartsinermi atortussanik – analogiusunik aamma digitaliusunik – ajornanngitsumik atorsinnaassapput. Piffissaq ungasinnerusooq eqqarsaatigalugu digitaliusunik attartorsinnaaneq annertusarneqassaaq, kisiannili atortussanik analogiusunik atorsinnaanissaq periarfissaajuassalluni.

Ikkariartorneq datanik tapersersugaq

Suliniutikkut suliat atuartsinermik datanik taperserneqartumik siuarsaallutillu inerisaaviusut taperserneqassapput, tamatumunnga ilanngullugu atuartup ilikkagassatigut unamminartitaanik suussusiliinissamut datanik atuisinnaanermik iluaquteqarsinnaanermillu ilitsersuineq, assersuutigalugu atuarnermik ingerlatsinernut/atuarnermik inerisaanermut atatilugu Graphogame-mik atuiineq.

INGERLANNEQALERTUSSATUT ANGUNIAKKAT

- 10. klassimi allattariarsorluni inaarutaasumik misilitsinnerit digitalimik ingerlanneqartassapput
- Allattariarsorluni inaarutaasumik misilitsinnerit inaarsarlugit suliarinerat pisariillisarneqassaaq
- Nammineq saqqummersitat atuartaanermut portalikkut digitaliusumik pissarsiarineqarsinnaassapput
- Kalaallisut atuffassissutip MARTHA-p atornissaanut periarfissat amerlanerit
- Atuartitsinermi atortussat digitaliusut ullutsinnullu naapertuuttut Kalaallit oqaasiinik atuartsissummi atugassat amerlanerit
- Atuartut immikkut ittunik pisariaqartitsisut pitsaanerumik ikorfartugaanissaat
- Attartortakkat analogiusut ikilisinnissaat
- Atuartut ilikkagassamik nikkartornerisa malinnaavigineranni ajornartorsiorfiusullu paasiniarneranni angusanik paarlaasseqatigiittarnissap datanillu atuinissap sammeneqarnissaa



SAMMISAQ 2

DIGITALIMIK PIGINNAASAT

IT imminermini anguniagaangilaq, sakuullunili.

Inuiaqatigiinni ilisimasaqarfiusuni nutaaliaasuni IT piginnaasaavoq - atuarsinnaaneq matematikkilu assigalugit - inuit amerlanerit atorfissaqartitaat. Taamaammat aturfimmi IT-mi piginnaasanik assigiinngitsunik aamma digitalikkut perorsarsimanermik suliniuteqarnissaq pingaartuuvog.

Ilinniagaq sunaluunniit toqqaraanni aamma sumiluunniit suliffitaaraluaanni, inuiaqatigiinni nutaaliaasuni innuttaasut digitalimik piginnaasat pitsaasut eqqarsaatigilluakkallu pisariaqartippaat – piginnaasat, atuartut sunngiffimminni IT-mik atortunillu digitaliusunik atuinermikkut namminneerlutik pigiliussinnaasaattut naatsorsuutigineqarsinnaanngitsut.

IT-p atuartut atuartsissullu suliat suleriaatsillu ilaannik pitsanngorsaanissaannut sakkussittarpai. Nutaaliorluni pilersitsiffiusumillu sulinissaq periarfissinneqartarpoq, imaluunniit suliaasat annertut siusinnerusukkut periarfissaasinnaangitsut atortugit suliarineqarsinnaalersarpuit.

Internet-ip misigisassat, ilisimasat, filmit, quianartut, pinnguaatit aamma allanik attaveqarsinnaaneq allarpassuillu ammaattarpai. Silarsuaq digitaliusoq annertoq meeqqanut inuusuttunullu online-kkut ammartarpoq, aamma internet-ikkut quppernerit nuuttaqattaarfiginerat, paarlaasseqatigiinneq imaluunniit online-imi ataatsimooqatigiiffinnut inuttullu attaveqatigiittarfinnut isernerit ajutoorfiusinnaapput.

Meeqqat inuusuttullu online-imiikkaangamik paasissutissat il.il. naapittakkamik apersuusersuisumik pissuseqarfiginissaannut imaluunniit itinerusumik paasinissaannut piginnaasassatik namminneerlutik ineriartortittanngilaat. Taamaammat atuartut paasissutissanik , sakkunik ataatsimooqatigiiffinnillu digitaliusunik atugaqarnerminni pissuserissaarnikkut, apersuusersuisumik, isumannaatumik siunertamullu naapertuummik piginnaasaqarlualernissaannut sakkussinnissaat pisariaqarpoq.

Suliniutip 'Isumannaatumik digitalimik atuinerup' siunertaraa meeqqat inuusuttullu internet-imi isumannaatusuinissaasa siuarsarnissaat aamma ataatsimut isigalugu digitalimik atuinerup isumannaatusup apersuusersuisullu sianigineqarlualernissaanik pilersitsinissaq – meeqqat inuusuttullu kisiisa eqqarsaatiginagit aammali angajoqqaavi ilanngullugit.

Atuarfik pillugu Inatsisartut inatsisaat (2012) naapertorlugu IT atuartsissutini atuartsissutinilu qani-tariissuni tamani atuartsinermi ilaatinneqassaaq sakkutullu atorneqarluni. Atuartsinermi IT tassaannaangilaq nalinginnaasumik atuartsinerup 'sarfalerneqarnera' aamma atuakkap allattaaviulluunniit atortumik digitaliusumik taarserneqarnera.

Atuartsinermi IT tassaaneruvoq atuartsissutini atuartsissutinilu qanitariissuni pilersitsiniamermut nutaaliornermullu IT-p ilaatinneqarnera.

Misilittakkat takutippaat ullumikkut IT-mik atuartsinermut ilaatsisarneq atuartsissutini amerlanerni atugaalertariaqartoq annertusarlugulu aamma pitsanngorsarlugulu inerisaavigsariaqartoq.

Atuartsinermi IT-p atugaanera annertusineqarlunilu pitsaanerulissappat pisariaqarpoq atuartsissut IT-mik misileraanissamat sapiissuseqarnissaat, IT-p didaktikkimi sakkutut atorneqarluni atuartup ilikkariartorneranut ikorfartuutaallunilu annertusaaqataanissaa – taamaallunilu IT immikkuullarissutut imaluunniit 'immikkut atortutut' isigineqassanngilaq.

Atuartsissut akomanni atuartsinermi atortut digitaliusut analogiusullu atorneqat pillugu paasisaqarnerunissaqpilersinneqartariaqarpoq, taamatullu atuartup ilikkariartornera ikorfartorumallugu qaqugukkut IT atussallugu naapertuuttuunersoq ilisimaarilerlugu.

Tamanna periarfissikkumallugu atuartsissut atuartsissutini atuartsiseraatsinilu assigiinngitsuni IT-mik sakkut naapertuunnerpaat toqqarnissaannut piginnaaneqassapput, aamma qaqugukkut IT-p atornissaa qaqugukkullu atorneqannginnissaa , kiisalu qaqugukkut online-imik offline-imillu sulinissap tulluartauneralilersussallugu piginnaasaqarfignisariaqarpaat.

Atuartsissut piginnaasaannik inerisaaneq ilimagineqarpoq ilinniartissuaq suleqatillu allat peqatigalugit pissasoq.



SULINIUTIT

Atuartut teknikkikkut piginnaasaat

IT-p atuartitsissutini atuartitsissutinilu qanitariissuni tamani atuartitsinermut ilaatinnaasaata atuartitsinermilu atortutut atornissaata isiginiarneqarnerulernissaa pisariaqarpoq. Tuluttut atuartitsineq assersuutigalugu aallaavigaanni, suliniutikkut ikorfartorniarnearpoq qanoq iliorluni assersuutigalugu iPad-it immiussinermut/immiussanik tusarnaarnermut/naliliinermut il.il pilersitsiffiusumik nutaaliorlunilu atorneqarsinnaanersut. Aammattaaq kode-lerineq teknikkikkut piginnaasatut aturfimmi iluaqutaasumik sammineqarsinnaasutut isigineqarpoq.

Digitalimik piginnaasaqalerneq

Atuartut atortut digitaliusut isumannaatumik siunertamullu naapertuuttumik atorsinnaallugillu attaveqatigiissutiginnissaat ilinniassavaat, internet-imi kukkuluttoqqunagit – tamatumunnga ilanngullugu inuttut attaveqaatini ataqeqatigiilluni pissusilersorsinnaaneq.

Ilutigisaanik assersuutigalugu najoqqutanik suussusersuineri, nalilersuineri, nassuiaanerimi taakkualu najoqqutaralugit inerniliineri apeqquersuisinnaaneq pingaartuuvoq.

Aturfimmi atortunik digitaliusunik atuinermi isumannaatsuunissaq apeqquusiinnaalerlu pingaartinneqassaaq. Atuartitsinermi atortussat inerisarneqareersimasut pisiarineqartassapput, naleqqussarlugillu kalaallisuumngortinneqarlutik.

Didaktik digitaliusoq

Atuartitsisut tamarmik didaktikkimik naliginnaasumik digitaliusumillu piginnaasaqassapput, tassuunakkut nalilersinnaalissallugu qaqugukkut qanorlu ilikkariartornermut iluaqutaanerpaamik naapertuunnerpaamillu IT atuartitsinermi atorneqarsinnaanersoq. Tamatumunnga ilanngullugit:

- Atuartitsisup atuartut IT-mut piareersimassusiat atorluassavaa, assersuutigalugu ilikkariartorfiusinnaasunik inerisaanermut aaqqissuussinermullu peqataatinnerisigut.
- Ikkariartorfiusinnaasunik aaqqissuussineq, qanoq iliorluni pædagogik atuartitsissutinilu didaktik aallaavigalugit programmi, app-i, nittartagaq atartunut/atuartitsissummum/piginnaasamut naapertuunnerpaq toqqarneqassava.
- Atuartitsisup IT atorlugu atuartitsinermi atortussat atorsinnaassavai, suliareqqissinnaassavaipilersiortorsinnaallugillu.

Tamanna pissaaq atuartitsisut IT-mik atuartitsissutinilu ilikkagassanik ulluinnarni atuineranni suliaqarnerinilu piginnaasaanik ineriartortitsinikkut. Kommunit ilaat taamatut piginnaanngorsaanerimik ingerlataqareerput.

Suliniut tamanna aqqutigalugu anguniarneqarpoq, Ilinniartitaanermut Aqutsisoqarfiup soqtigisaqartunik allanik suleqateqarluni, suliniutinut ingerlareersunut siunissamilu suliniutissanut ilaatinneqarnissaa, pædagogikkimik didaktikkimillu qitiutitsinerup inerisarneqarlunilu ataavartinnissaa aamma atuartitsisut atuartitsissutini ilikkagassatigut piginnaasaminnik ineriartortitsinermik ingerlatsineranni tapersorsornissaat siunertarlugu.

INGERLANNEQALERSUSSATUT ANGUNIAKKAT

- Sakkut digitaliusut anner tunerusumik atorneqarnerat
- Isumannaannerusumik digitalimik atuneq
- IT-p tunngavilersukkamik atuartitsinermut ilaatinnera



SAMMISAQ 3

ATTAVEQAATIT AAMMA INGERLATSINEQ

Suliniutit nutaat piviusunnortinnissaannut atuarfiumu ullutsinnut naleqquttuunissaanut attaveqatigiinneq pingaaruteqarlunnarpoq. Taamaammatt atuartitsisut allallu atuarfimmut attuumassuteqartut nutaanik ilisimasaqalernissaminut paasissutissanillu naapertuuttunik pissarsisinaanissaminut ajornangitsumik periarfissaqartariaqarput.

Siunissami sumiiffimmi ataasiinnarmi paasissutissanik ujarlertoqarsinnaalissaaq, tassalu uani: iserasuaat.gl. Paasiuminartumik paasissutissiisarnerup annertunerusumillu oqaloqatigiittarnerup qularnaassavaat, suliniutit aallartinneqartut paasissutissallu pioreersut amerlanerit iluaqutiginermissaat.

Ilutigisaanik peqataasut tamarmik akornanni attaveqatigiinneq ullutsinnut naapertuuttuusaaq, atorneqarsinnaalluni atuartitsisullu malinnaaffigisinnaasaanni ingerlanneqassalluni, tassuunakkut ilisimasanik paarlaasseqatigiinnikkut amerlanerpaat atugarisaminut naapertuuttunik isumassarsiorsinnaaqullugit.

Atuarfiup ingerlanerani suliat amerlanerit pillugit paasissutissat nalunaarsorlugillu nutarternerisigut iluaqutissarsiaasinnaasut annertupput. Paasissutissaqarnikkut tunngavigissaarnerup amigaateqarneq pissutigalugu immikkut allaffissortariaqarnermut piffissaq atorneqartartoq annikillissivaa. Aammattaaq suliniutit atuisussanut toqqaannartumik sammitinnerisigut taakkukunngalu tulluarsarnerisigut periarfissat pitsaanerulissapput.

Paasissutissat nutartertuakkat pissarsiarineqarsinnaasullu aamma nassatarissavaat kisitsisitigut nalunaarsuinerit pitsaanerumik tunngavissaqalernerat, taamaalillunilu atuarfii, pisortat innuttaasullu sulii pitsaanerumik atuarfik malinnaavigisinnaalissavaat, pitsaasumillu tunngaveqarluni aalajangiisoqarsinnaalissalluni.

Soqutigisallit assigiinngitsut oqaloqatigiittarnerisa misilittakkaminillu paarlaasseqatigiittarnerisa ilisimasanik annaasaqarnissaq annikinnerulersissavaat. Taamaammatt anguniakkat pillugit paaseqatigiillunilu isumaqatigiinnissaq pingaartuuvooq, qanimut suleqatigiinnikkut piffissamik aningaasaqarnikkullu sipaaruteqarneq

anguneqarsinnaaqullugu.

Aammattaaq atuartitsisut isumassarsiorinissaat akunnerminnilu misilittakkaminik avitseqatigiinnissaannut periarfissinnissaat qularnaarneqassaaq.

Alimasissumut atuartitsineq nunami taama siamasitsigisunik inoqarfeqartumi periarfissatsialaavoq, atuartut tamarmik ilinniarnissamut assigiinnik periarfissaqartariaqaramik. Pineqartoq politikkikkut annertuumik eqeersimaarfigineqarpoq. Alimasissumut atuartitsinerup qanoq atorneqarsinnaanera pillugu ataatsimoorussamik paaseqatigiinnerup pilersinnissaa pisariaqarpoq.



SULINIUTIT

Suliniutinik nutaanik ilisimatitsisarneq

Ilinniartitaanermut Aqutsisoqarfimmit suliniutit sullissinerillu nutaat piviusunnortinniarneri ilisimatitsissutigineqartarnerilu portal-imi ataatsimi inissinneqassapput, tassalu iserasuaat.gl-imi.

Ilutigisaanik Ilinniartitaanermut Aqutsisoqarfiup atuartsisut sumiiffianni – Facebookimi - naapittassavai. Tassani Ilinniartitaanermut Aqutsisoqarfiup atuartsisut oqaloqatigisassavai aamma atuartsinermi atortunik assigisaannillu atuneq pillugu apeqqutinik oqalliseqatigisarlugit. Aammattaaq Facebook qilanaartuutissanik saqqummiussiffittut atorneqarsinnaavoq, soorlu sullissinernik, atortunik nutaarsassanillu, iserasuaat.gl-ikkut saqqummiunneqartunik, tassanilu soqutiginnittut tamakkiisumik aasinnaasaannik.

Ingerlatsineq & paasissutissat (data)

Paasissutissat nutartertuakkat siunissami atuarfimmi suliniutissat siunnerfeqartut tunngavississavaat kikkullu tamarmik paasissutissiiffinnut sullissinernullu isersinnaanissaat qularnaassallugu. Taamaammat Tabuleximik atuilluarsinnaasussat ilinniartinneqassapput, aamma misillittakkanik ilisimasanillu paarlaasseqatigiittarfissamik pilersitsisoqassaaq.

Ataqatigiissaakkamik suliniuteqarneq

Soqutigisaqartut tamarmik attaveqatigiiffissaannik pilersitsisoqassaaq, tassuunalu atuarfimmi nuna tamakkerlugi digitalimik suliniutit saqqummiuttarnissaat, ataqatigiissaarnissaat pitsanngorsarnissaallu anguniarneqassaaq ataatsimoorluni annertunerpaanik pissarsiaqarnissaq qularnaarumallugu.

Kisitsisitigut paasissutissat (statistik)

Atuarfik pillugu kisitsisinik paasissutissarsiorsinnaanissaq innuttaasunut tamanut aamma atuarfinnut ajornanninnerussaaq, tassuunakkut ilinniagassatigut ineriartorneq qanoq ingerlanersoq takuneqarsinnaaqullugu – atuartsissutit immikkoortui ilanngullugit. Taamaaliornikkut assersuutigalugu atuartsissutini suliniutit siunnerfeqartumik ingerlanneqarsinnaalernissaat aamma alloriarfinni misilitsinnerit pædagogikkimi didaktikkimilu sulineri sakkutut atornissaat ajornanninnerulissaaq.

Atuartsisut akormanni ilisimasanik paarlaasseqatigiinnerit

2017-ip ingerlanerani kingusinnerpaamillu 2018-ip qiterpaanerani, FirstClass klienti atorunnaassaaq, Office 365-imillu Sharepoint-imik assigisaannillu ilalimmik taarserneqarluni.

Suliniutip ingerlanerani piviusunnortitsiniarnerup tapersorneqarnissaa sapinngisamillu oqinnerpaamik ikaarsaariartoqarnissaata qularnaarissaa pingaartuuvoq. Ilutigisaanik ilisimasanik paarlaasseqatigiittarnermi kulturi patajaallisarneqassaaq. Tamakkua tamarmik naggataatigut sumiiffinni tamani pitsaasumik allanngorartumillu atuartsinermik qularnaareqataassapput.



Alimasissumut atuartsineq

Alimasissumut atuartsineq ingerlaannartumik (synkronimik) malitsigiissumilluunniit (asynkronimik) pisinnaavoq aammalu ilinniartsisunut atuartunullu sammitinneqarsinnaalluni.

Kalaallit Nunaat tamakkerlugu alimasissumut atuartsinerup atornissaanut ulluinnarni pisartuni teknologimilu pisariaqartitat assigiinngitsuupput. Taamaammat pingaartuuvoq paasiniassallugu nunap immikkoortuini ataasiakkaani suliniutit suut ingerlalluarnerpaasinnaanersut.

INGERLANNEQALERSUSSATUT ANGUNIAKKAT

- Suliniutit sullissinerillu nutaat takussaasunnagortinnissaat
- Ilinniartitaanermut Aqutsisoqarfimmit digitalimik sullissinernik atorluaasut amerlanerit, aamma atuartsisunik atuarfinnilu sulisunik qanimut attaveqarnerunissaq
- Atuartut Tabuleximi nalunaarsugaanngitsut minnerpaaffissaannut ikilisinneqassapput
- Kisitsisitigut paasissutissarsiorneq ajornannginnerusaaq, paasissutissat siunertaqarluartumik atorsinnaanissaat angujumallugu
- Atuartsisut akornanni ilisimasanik digitalimik paarlaasseqatigiittarneq annertunerusoq
- Soqutigisallit akornanni attaveqatigiittarnerup patajaallisarnissaa

